

PANGUNA MINE ACTION LLC

PRES RELIS LONG LUKSAVE LONG DISPELA STEITMEN BILONG HON. ISHMAEL TOROAMA, MHR

Arawa, Ples Bougainville, 28 Mei 2024: Mipela i wok olsem fanda bilong dispela Klas Eksen long kotim Rio Tinto na Bougainville Kopa, long kisim kompensesen we moni mak bilong kompensesen bai abrusim planti bilion dola, long hau ol ino lukluk gut long menismen bilong Panguna kopa main we ikamapim bikpela bagarap stret long envairamen insait na bagarapim sindaun bilong ol pipol long dispela hap giraun.

Mipela luksave na mipela laik bekim tok stret long dispela pres steitmen long Klas Eksen we Presiden bilong Bougainville I bin tok. Mipela wan bel long tokaut bilong Presiden we emi tok “long as tingting bilong Klas Aksen em olsem sindaun bilong ol Pipol bilong Bougainville mas go pas”. Dispela as tingting emi kamapim Klas Eksen long kompensesen bilong ol envairomen bagarap, na ol bagarap long nomol laif bilong ol manmeri i stap insait na arere long hap bilong Panguna main, igo namel long ol maunten na rot bilong Wara Jaba na Wara Kawerong.

Mipela ino wanbel wantaim Presiden long toktok emi mekim we em itok dispela Klas Eksen bai bagarapim rot long ekonomik independans bilong Bouganville. Mipela bilip olsem ol pipol bilong Bougainville ol ino laikim bai main bai op gen or sapos main i op gen Rio Tinto na Bougainville Kopa mas lukluk long stretim ol bagarap ol ibin mekim pinis long ol giraun, bush wara na maunten na baim kompensesen. Dispela emi wok bilong Klas Eksen na em i samting bilong kot long mekim disisen. Yumi olgeta mas rispektim lo na system bilong kot na larim kot i wokim wok bilong en.

Em tru, mipela fanda bai kisim sampela moni taim kot i mekim kompensesen, sapos mipela winim KlasEksen. Dispela moni bai karamapim ol kos bilong ol loya na olgeta narapela kos bilong wok investigesen na prosikusen long kamapim dispela Klas Eksen. Mipela ibin wok long dispela Klas Eksen moa long tupela yia pinis nau, mipela igat ol loiya, mipela baim wok bilong ol saientis tu long glasim ol bagarap we main opereisen emi bin mekim . Ol dispela lain ol i independan, ol ino kisim pei long Rio Tinto na Bougainville Kopa. Ol manmeri long ol ples we bagarap ibin kamap ol i luksave pinis long ol saiantis, na ol tim bilong mipela husait i givim aweines long ol pipol na dokumen bilong Klas Eksen – tim bilong mipela ol i stap ples kilia wantaim ol retpela siot bilong ol.

Mipela i raitim pas pinis igo long Presiden long askim em long miting wantaim em long tok kilia long em long ol benefit bilong dispela kKas Eksen na hau em moabeta long Legesi Impac Assessmen we Rio Tinto i fandim. Mipela i wetim bekim pas bilong Presiden yet.

Mipela i save dispela Klas Eksen bai kisim longpela taim stret, tasol mipela bai wok strong long mekim wok bilong Klas Eksen i go yet.

Panguna Mine Action LLC